

ქალაქ ფოთის მუნიციპალიტეტის გენდერული თანასწორობის საბჭოს სხდომის

ოქმი №3

ქალაქი ფოთი

2 დეკემბერი 2022 წელი

სხდომას თავმჯდომარეობდა:

ქალაქ ფოთის მუნიციპალიტეტის გენდერული თანასწორობის საბჭოს თავმჯდომარის მოვალეობის შემსრულებელი შალვა სარდალიშვილი

ესწრებოდნენ ქალაქ ფოთის მუნიციპალიტეტის გენდერული თანასწორობის საბჭოს წევრები:

მაია დოლბაია, ნანა ვეკუა, ნანა საბულუა, თამარ თოფურია, თეონა ახალაია, ეკატერინე ფაჩულია, მაია მაკალათია, მანანა ქოიავა, ქეთევან ლორია, შორენა წაბრია, ეკატერინე ტუღუში, შორენა მირცხულავა, ხათუნა შამათავა, სოფო როდონაია, იამზე გორგოტაძე,

ქალაქ ფოთის მუნიციპალიტეტის გენდერული თანასწორობის საბჭოს 2022 წლის მესამე სხდომაზე განსახილველ საკითხთა ნუსხა:

დისკრიმინაციის არსის, დისკრიმინაციის აკრძალვის მნიშვნელობის და შრომით ურთიერთობებში არსებული გამოწვევების შესახებ;

/მომხსენებელი: ინგა გვასალია - საქართველოს გაერთიანებული პროფესიული კავშირების ფოთის ოფისის წარმომადგენელი, საქართველოს პედაგოგთა და საჯარო პროფესიული კავშირების ფოთის საქალაქო ორგანიზაციის თავმჯდომარე- საბჭოს წევრი/

ძალადობის მსხვერპლისთვის იურიდიული დახმარების გაწევის თაობაზე;

/მომხსენებელი: ხათუნა შამათავა - შსს სამეცნიერო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწე- გამომმიებელი, პოლიციის მაიორი-საბჭოს წევრი./

2022 წელს გენდერული თანასწორობის ხელშეწყობის პროგრამის განხორციელების და 2023 წელს დაგეგმილი ქალთა ეკონომიკური, სოციალური და პოლიტიკური გაძლიერების შესახებ;

/მომხსენებელი: მაია მაკალათია - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი - საბჭოს წევრი/

ქალთა მიმართ და ოჯახში ძალადობის შესახებ გადაღებული დოკუმენტური ფილმის „ხმა ამოიღეთ“ ჩვენება.

გენდერული თანასწორობის საბჭოს თავმჯდომარის მოვალეობის შემსრულებელმა შალვა სარდალიშვილმა საბჭოს წევრებს გააცნო დღის წესრიგით გათვალისწინებული საკითხები.

სხდომაზე თავმჯდომარემ აღნიშნა, რომ ქალაქ ფოთის მუნიციპალიტეტის გენდერული თანასწორობის საბჭო უერთდება ქალთა მიმართ ძალადობის წინააღმდეგ 16-დღიან კამპანიას, რომელიც 25 ნოემბერს ქალთა მიმართ ძალადობის აღმოფხვრის საერთაშორისო დღეს დაიწყო და 10 დეკემბერს – ადამიანის უფლებათა დაცვის საერთაშორისო დღეს სრულდება. კამპანიის მიზანი საზოგადოების ცნობიერების ამაღლება ქალთა მიმართ ძალადობის კუთხით არსებულ გამოწვევებსა და პრობლემებზე.

მოისმინეს:

დისკრიმინაციის არსის, დისკრიმინაციის აკრძალვის მნიშვნელობის და შრომით ურთიერთობებში არსებული გამოწვევების შესახებ პრეზენტაცია

მომხსენებელი: ინგა გვასალია - საქართველოს გაერთიანებული პროფესიული კავშირების ფოთის ოფისის წარმომადგენელი, საქართველოს პედაგოგთა და საჯარო პროფესიული კავშირების ფოთის საქალაქო ორგანიზაციის თავმჯდომარე- საბჭოს წევრი

აზრი გამოთქვეს საბჭოს წევრებმა: მ. დოლბაიამ, ნ. საბულუამ

დაადგინეს: ცნობად იქნეს მიღებული საქართველოს გაერთიანებული პროფესიული კავშირების ფოთის ოფისის წარმომადგენლის, საქართველოს პედაგოგთა და საჯარო პროფესიული კავშირების ფოთის საქალაქო ორგანიზაციის თავმჯდომარის პრეზენტაცია (პრეზენტაცია ოქმს თან ერთვის)

მოისმინეს: ძალადობის მსხვერპლისთვის იურიდიული დახმარების გაწევის თაობაზე ინფორმაცია

მომხსენებელი: ხათუნა შამათავა - შსს სამეგრელო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწერა გამომძიებელი, პოლიციის მაიორი

როგორც მომხსენებელმა აღნიშნა შსს-საერთო-ერთ პრიორიტეტს წარმოადგენს ქალთა მიმართ და ოჯახში ძალადობის აღკვეთა, მსხვერპლთა დაცვა და დახმარება. მსხვერპლის სტატუსის მოპოვების სამი გზა არსებობს: 1. განცხადებით მიმართოს მოძალადისათვის შემაკავებელი ორდერის გაცემის მოთხოვნით; შემაკავებელი ორდერი გაიცემა 1 თვემდე ვადით - მსხვერპლის სტატუსიც მოქმედებს შემაკავებელი ორდერის მოქმედების განმავლობაში; 2. სასამართლოს განცხადებით მიმართოს მოძალადისათვის დამცავი ორდერის გაცემის მოთხოვნით, დამცავი ორდერი გაიცემა 6 თვემდე ვადით - მსხვერპლის სტატუსიც მოქმედებს დამცავი ორდერის მოქმედების განმავლობაში; 3. ოჯახში ძალადობის მსხვერპლის სტატუსის განმსაზღვრელ ჯგუფს მიმართოს მსხვერპლის

სტატუსის მინიჭების მოთხოვნით, ჯგუფს მიერ მინიჭებული მსხვერპლის სტატუსი მოქმედებს 18 თვის ვადით. (ინფორმაცია ოქმს თან ერთვის)

აზრი გამოთქვეს საბჭოს წევრებმა: მ. დოლბაიამ, შ. მირცხულავამ, შ. წაბრიამ

დაადგინეს: დაევალოს მერიის ადმინისტრაციული სამსახურის ბავშვთა უფლებების დაცვის და მხარდაჭერის განყოფილებას მოიკვლიოს შსს სამეგრელო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწე-გამომძიებელი, პოლიციის მაიორის მიერ წარმოდგენილი ინფორმაციის საფუძველზე ძალადობის მსხვერპლი ბავშვების შესახებ ინფორმაცია, კანონმდებლობის შესაბამისად, შემდეგი ქმედებების განხორციელების მიზნით.

ცნობად იქნეს მიღებული შსს სამეგრელო ზემო სვანეთის პოლიციის დეპარტამენტის ქ. ფოთის საქალაქო სამმართველოს დეტექტივის თანაშემწე-გამომძიებელი, პოლიციის მაიორი

მოისმინეს:

2022 წელს გენდერული თანასწორობის ხელშეწყობის პროგრამის განხორციელების და 2023 წელს დაგეგმილი ქალთა ეკონომიკური, სოციალური და პოლიტიკური გაძლიერების შესახებ ინფორმაცია

მომხსენებელი: მაია მაკალათია - ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი

როგორც მომხსენებელმა აღნიშნა ქალაქ ფოთის მუნიციპალიტეტის 2022 წლის ბიუჯეტით მერიის ჯანმრთელობისა და სოციალური დაცვის პროგრამაში კერძოდ, (060421 პროგრამული კოდით) „გენდერული თანასწორობის ხელშეწყობის პროგრამით“ დაფინანსდა 3 ბენეფიციარი (ქალი). ბიუჯეტიდან გაიხარჯა 7000 ლარი, ხოლო რაც შეეხება 2023 წელს პროგრამის საბიუჯეტო თანხის ზრდა არის მოსალოდნელი, რითაც შესაძლებელი გახდება მეტი ბენეფიციარის დაფინანსება.

დაადგინეს: ცნობად იქნეს მიღებული ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის წარმოდგენილი ინფორმაცია (ინფორმაცია ოქმს თან ერთვის)

მეოთხე საკითხის შესაბამისად ქალთა მიმართ და ოჯახში ძალადობის შესახებ გადაღებული დოკუმენტური ფილმის „ხმა ამოიღეთ!“ ჩვენება გაიმართა.

„ხმა ამოიღეთ“ ქალთა მიმართ და ოჯახში ძალადობის შესახებ გადაღებული დოკუმენტური ფილმია, რომლის რეჟისორი ზურაბ ინაშვილია. იგი საქართველოში მომხდარ შემზარავ რეალურ ისტორიებს ასახავს. ფილმის გმირები ქვეყნის სხვადასხვა კუთხეში ცხოვრობენ, თუმცა მათ საერთო პრობლემა აერთიანებთ ყველა მათგანი ძალადობის მსხვერპლი საკუთარ ოჯახში გახდა. დოკუმენტური ფილმი „ხმა ამოიღეთ!“ გაერო-ს ერთობლივი პროგრამის „გენდერული თანასწორობის ხელშეწყობისთვის

საქართველოში“ ფარგლებში, საქართველოს კინემატოგრაფიის ეროვნულ ცენტრთან თანამშრომლობითაა გადაღებული (შვედეთის მთავრობის მხარდაჭერით).

სხდომის დასასრულს საბჭოს წევრებმა ბანერზე - „ჩვენ ვგმობთ ქალთა მიმართ ძალადობას!“ ხელი მოაწერეს და გააქლერეს ქალთა მიმართ ძალადობის შესახებ ცნობიერების ამაღლების კამპანიის სლოგანები.

ქალაქ ფოთის მუნიციპალიტეტის
საკრებულოს თავმჯდომარის მოადგილე,
გენდერული თანასწორობის საბჭოს
თავმჯდომარის მოადგილე

გენდერული საბჭოს მდივანი

ქ. ბ

შალვა სარდალიშვილი



ეკატერინე ფაჩულია

მსხვერპლისთვის იურიდიული დახმარების გაწევა

საქართველოს შეს-ს ერთ-ერთ პრიორიტეტს წარმოადგენს ქალთა მიმართ და ოჯახში ძალადობის აღკვეთა, მსხვერპლთა დაცვა და დახმარება.

ქალთა მიმართ და ოჯახში ძალადობის მსხვერპლნი ხშირად არიან არა მხოლოდ ის პირები, რომელიც უშუალოდ განიცდიან ძალადობას, არამედ არასრულწლოვნები, რომლებიც ხდებია ნ ოჯახში ძალადობის მოწმეები. შესაბამისად, ამ პირთა დაცვა პრიორიტეტულია არა მხოლოდ და მსხვერპლთა უფლებების დაცვის, არამედ მომავალი თაობების დაცვისა და მათი სრულფას ოვანი ფიზიკური და ფსიქიკური განვითარებისათვის.

ქალთა მიმართ და ოჯახში ძალადობის აღკვეთა და პრევენცია ხშირად არ არის მარტივი, ვინა იდან სხვადასხვა ფაქტორების, მათ შორის შიშის, მოძალადეზე ეკონომიკური დამოკიდებულ ების და ა.შ. მიზეზით, მსხვერპლისათვის/სავარუდო მსხვერპლისათვის არ არის მარტივი მიმ ართოს შესაბამის ორგანოებს. გარდა ამისა, ხშირად, სხვადასხვა სტერეოტიპებიდან გამომდინ არე, მსხვერპლი ძალადობას აღიქვამს, როგორც ცხოვრებისეულ გარდაუვალ ფაქტს და თავს ი კავებს მისი შეტყობინებისაგან.

ქალთა მიმართ და ოჯახში ძალადობა შეიძლება გამოიხატოს სხვადასხვა ფორმით - ფიზიკური, ფსიქოლოგიური, ეკონომიკური, სქესობრივი ძალადობა, იძულებითი ქორწინება და ა.შ.

საქართველოს პარლამენტი 2017 წელს მოახდინა „ქალთა მიმართ ძალადობისა და ოჯახში ძალადობის პრევენციისა და აღკვეთის შესახებ“ ევროპის საბჭოს კონვენციის - სტამბულის კონვენციის

რატიფიცირება,

რითაც სახელმწიფომ კიდევ ერთხელ გაუსვა ხაზი ამ სფეროში ადამიანის უფლებების დაცვის პრიორიტეტს.

კონვენცია და საქართველოს კანონი „ქალთა მიმართ ძალადობის ან/და ოჯახში ძალადობის ა ღვეთის, ძალადობის მსხვერპლთა დაცვისა და დახმარების შესახებ“ იცავს ძალადობის მსხვე რპლს/სავარაუდო მსხვერპლს და სთავაზობს მას სერვისებს იმისათვის, რათა პირი იყოს დაც ული ძალადობისგან და იცხოვროს ღირსეულ, ძალადობისგან თავისეუფალ გარემოში. აღნიშნ ულ სერვისებს შორისაა, სახელმწიფოს ხარჯზე, იურიდიული კონსულტაციით და იურიდიუ ლი დახმარებით სარგებლობის უფლებაც.

ქალთა მიმართ ძალადობისა და ოჯახში ძალადობის მსხვერპლთა დაცვა მოითხოვს გამომძიე ბლის

მხრიდან, არა მხოლოდ სამართლებრივი ბაზის, არამედ სპეციფიკური უნარების ცოდნასაც. ა მ საკითხებზე მომუშავე გამომძიებლებს

გავლილი აქვთ სპეციალური კურსი ქალთა მიმართ ძალადობისა და ოჯახში ძალადობის საკი თხებზე.

ოჯახში ძალადობის შემთხვევის დროს მსხვერპლმა უნდა დარეკოს ნომერზე 112, დაწერილებით მიაწოდოს ინფორმაცია არსებული სტუციის შესახებ, რის შემდეგაც მასთან მისამართზე დაუყოვნებლივ მივლენ პოლიციის თანამშრომლები. პოლიციის მუშაკები გამოკითხავენ სავარაუდო მსხვერპლს, მოძალადეს, ფაქტის შემსწრე სხვა ყველა პირს, ჩაატარებენ მოკვლევას, რის შემდეგაც მიიღებენ გადაწყვეტილებას სავარაუდო მოძალადისათვის შემაკავებელი ორდერის გამოცემის/არ გამოცემის, ან/და გამოძიების

დაწყების შესახებ. შემაკავებელი ორდერი გამოიცემა 1 თვემდე ვადით და მისი მოქმედების ვადაში მოძალადეს კურმალება გარკვეული მოქმედებების შესრულება მსხვერპლთან მიმართებით, მაგალითად: მსხვერპლთან მიახლოვება, საერთო ქონებით სარგებლობა, იარაღის ტარება, სხვა. შემაკავებელი ორდერის გამოცემისთანავე პოლიციის მუშავებს მსხვერპლი და მასზე დამოკიდებული პირები (18 წლამდე შვილები, ასეთის არსებობის შემთხვევაში) შემთხვევის ადგილიდან გადაყავს დროებითი განთავსების ცენტრში (თავშესაფარი). შემაკავებელი ორდერის გამოცემისას სავარაუდო მსხვერპლს ენიჭება მსხვერპლის სტატუსი, რაც ესაჭიროება მას და მის 18 წლამდე შვილებს შემდგომი სერვისების მიღებისათვის.

მსხვერპლის სტატუსის მინიჭებამდე, სავარაუდო მსხვერპლს და ასევე, სტატუსის მინიჭების შემდეგაც პირს, რომელიც უარს იტყვის თავშესაფრის მომსახურებაზე, შეუძლიათ ისარგებლონ კრიზისული ცენტრის მომსახურებით.

კრიზისული ცენტრი არის სავარაუდო მსხვერპლთა და მსხვერპლთა დროებითი განთავსების ადგილი, სადაც უზრუნველყოფილია: უსაფრთხო გარემო, დღის განმავლობაში ოთხჯერადი კვება, ფსიქოლოგიურ-სოციალური რეაბილიტაცია, პირველადი და გადაუდებელი სამედიცინო მომსახურება და იურიდიული დახმარება.

თუ პირი თვლის, რომ ოჯახში ძალადობის მსხვერპლია, პირველ რიგში მას ესაჭიროება მოიპოვოს მსხვერპლის სტატუსი, რომ ისარგებლოს ყველა იმ სერვისით, რაც სახელმწიფო ორგანოების და არასამთავრობო სექტორის მიერაა ხელმისაწვდომი.

მსხვერპლის სტატუსის მოპოვების სამი გზა არსებობს:

1. პოლიციას განცხადებით მიმართოს მოძალადისათვის შემაკავებელი ორდერის გაცემის მოთხოვნით; შემაკავებელი ორდერი გაიცემა 1 თვემდე ვადით – მსხვერპლის სტატუსიც მოქმედებს შემაკავებელი ორდერის მოქმედების განმავლობაში;
2. სასამართლოს განცხადებით მიმართოს მოძალადისათვის დამცავი ორდერის გაცემის მოთხოვნით; დამცავი ორდერი გაიცემა 6 თვემდე ვადით – მსხვერპლის სტატუსიც მოქმედებს დამცავი ორდერის მოქმედების განმავლობაში;
3. ოჯახში ძალადობის მსხვერპლის სტატუსის განმსაზღვრელ ჯგუფს მიმართოს მსხვერპლის სტატუსის მინიჭების მოთხოვნით; ჯგუფის მიერ მინიჭებული მსხვერპლის სტატუსი მოქმედებს 18 თვის ვადით.

სავარაუდო მსხვერპლი თვითონ ირჩევს რომელ ორგანოს მიმართოს სტატუსის მისაღებად, მაგრამ არ იზღუდება სამივე აღნიშნულორგანოს მიმართოს ერთდროულადაც. აქვე აღსანიშნავია, რომ შემაკავებელი და დამცავი ორდერები ერთგვარი გარანტიაა, მოძალადემ არ გაიმეოროს მსხვერპლის მიმართ ძალადობრივი ქმედება.

შემაკავებელი ორდერი გაიცემა პოლიციის მიერ დაუყოვნებლივ, დამცავი ორდერი გაიცემა სასამართლოს მიერ 10 დღის ვადაში, ოჯახში ძალადობის მსხვერპლის სტატუსის განმსაზღვრელი ჯგუფის მიერ მსხვერპლის სტატუსის მინიჭება ხორციელდება 3 სამუშაო დღის ვადაში.

სავარაუდო მსხვერპლთა/მსხვერპლთა დახმარების და შესაბამის საკითხებზე კონსულტაციის გაწევის უზრუნველსაყოფად მოქმედებს უფასო, 24-სათიანი საგანგებო მომსახურების სატელეფონო ნომერი - 116 006, რომელიც ხელმისაწვდომია ქვეყნის მთელ ტერიტორიაზე.

მსხვერპლს და მასზე დამოკიდებულ პირს/პირებს შეუძლიათ ისარგებლონ სახელმწიფო ან/და არასამთავრობო ორგანიზაციების მფლობელობაში არსებული მსხვერპლთა დროებითი საცხოვრებლის (თავშესაფარი) მომსახურებით. თავშესაფარში მსხვერპლის მოთავსება ხდება 3 თვემდე ვადით. საჭიროების შემთხვევაში, ადმინისტრაციის გადაწყვეტილებით მსხვერპლის თავშესაფარში ცხოვრების ვადა ექვემდებარება გაგრძელდებას.

თავშესაფარში მსხვერპლი უზრუნველყოფილია ყოველდღიური ცხოვრებისათვის შესაფერისი გარემოთი და პირობებით, საჭიროების შემთხვევაში უფასო ფსიქოლოგიური დახმარებით, პირველადი და გადაუდებელი სამედიცინო მომსახურებით და სამართლებრივი კონსულტაციით. თავშესაფარში ყოფნის პერიოდში მსხვერპლი უფლებამოსილია, ისარგებლოს შრომითი ურთიერთობის შეჩერების უფლებით წელიწადში არაუმეტეს 30 კალენდარული დღისა.

შემდეგენი:

ქ.ფოთის საქალაქო სამმართველოს
დეტექტივის თანაშემწე-გამომძიებელი,
პოლიციის მაიორი:

b. 

/ს.შამათავა/

2022 წელს გენდერული თანასწორობის ხელშეწყობის პროგრამის განხორციელების და 2023 წელს დაგეგმილი ქალთა ეკონომიკური, სოციალური და პოლიტიკური გაძლიერების შესახებ ინფორმაცია

ქალაქ ფოთის მუნიციპალიტეტის 2022 წლის ბიუჯეტით ქალაქ ფოთის მუნიციპალიტეტის მერიის ჯანმრთელობისა და სოციალური დაცვის პროგრამებში კერძოდ, (06 04 21 პროგრამული კოდით) „გენდერული თანასწორობის ხელშეწყობის პროგრამით“დაფინანსდა 3 ბენეფიციარი(ქალი). ბიუჯეტიდან გაიხარჯა 7000 ათასი ლარი, ხოლო რაც შეეხება 2023 წელს პროგრამის საბიუჯეტო თანხის ზრდა არის მოსალოდნელი, რითაც მოგვეცემა საშუალება მეტი ბენეფიციარების დასაფინანსებლად.

რაც შეეხება ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის 2022 წლის 11 თვის მუშაობას წარმოგიდგინთ, სტატისტიკურ მონაცემებს.

ქალაქ ფოთის მუნიციპალიტეტში 2022 წლის ბიუჯეტით ჯანმრთელობის დაცვისა და სოციალური უზრუნველყოფისათვის ადგილობრივი ბიუჯეტით დაზუსტდა გეგმა 4 646.6 ათ.ლარი.

ჯანმრთელობის დაცვის განყოფილება.

ჯანმრთელობის დაცვის პროგრამები 2022 წლის დაზუსტებული ადგილობრივი ბიუჯეტი განისაზღვრა 1 293 900 ლარით.

1. „მოსახლეობის სტაციონარული მკურნალობის“ პროგრამის 2022 წლის ბიუჯეტი განისაზღვრა 533 100 ლარით. პროგრამა ახორციელებს პაციენტთა მკურნალობის და გამოკვლევების იმ კომპონენტის დაფინანსებას, რომელიც არ არის გათვალისწინებული ჯანდაცვის სახელმწიფო პროგრამებით. პროგრამის ფარგლებში ფინანსდება, როგორც სტაციონარული, ასევე ამზღვის ტორიული მკურნალობა, სხვადასხვა სახის ქირურგიული ოპერაციები, ლაბორატორიული და თანამედროვე ტექნოლოგიების ინსტრუმენტალური გამოკვლევები, ქიმიო, რადიოთერაპია და სხვა სახის სამედიცინო სერვისები.

სოციალურად დაუცველ (70000-მდე სარეიტინგო ქულა) მოქალაქეებს და შეზღუდული შესაძლებლობების (მკვეთრად გამოხატული) მქონე პირებს მკურნალობისთვის საჭირო თანხა უფინანსდებათ 100%-მდე (ლიმიტი 1000 ლარი), ხოლო 70000-ზე მეტი სარეიტინგო ქულის მქონე და სოციალურად დაუცველი ოჯახების ერთიან მონაცემთა ბაზაში დაურეგისტრირებელ მოქალაქეებს მკურნალობისთვის საჭირო თანხა უფინანსდებათ - 70%-მდე (ლიმიტი 1000 ლარი). ამასთან, სამედიცინო მომსახურების ხარჯი, რომელიც არ აღმატება 300 ლარს, მოქალაქეებს უფინანსდებათ 100 %-ით. აღნიშნული პროგრამის ფარგლებში დახმარება გაეწია 1028 ბენეფიციარს თანხით 496 449 ლარი (საკასო შესრულება 923 ბენეფიციარი - 447 500 ლარი). მათ შორის ქალი-577, კაცი-451.

2. „მოსახლეობის მედიკამენტებით უზრუნველყოფის“ პროგრამის 2022 წლის ბიუჯეტი განისაზღვრა 235 000 ლარით. პროგრამა ითვალისწინებს სხვადასხვა მწვავე თუ ქრონიკული

დაავადებების მქონე მოსახლეობის ჯანმრთელობისათვის საჭირო მედიკამენტებით უზრუნველყოფას. 2022 წელს დახმარება გაეწია:

ა) ერთჯერადი 70 ლარის ღირებულების მედიკამენტების შესაძენად დახმარება გაეწია 1798 მოქალაქეს თანხით 125 604 ლარი.

ბ) ავთვისებიანი სიმსივნითა და ლეიკოზით დაავადებულ პირთა დახმარება მედიკამენტების შესაძენად გაეწია 54 მოქალაქეს, თანხით 32 740 ლარი. აღნიშნული ქვეპროგრამით მოქალაქეს შეუძლია ისარგებლოს წელიწადში ორჯერ (ერთჯერადი ლიმიტი 1000 ლარი).

გ) განსაკუთრებული საჭიროების მქონე ავადმყოფთა დახმარება მედიკამენტების შესაძენად გაეწია სოციალურად დაუცველ (100 000 სარეიტინგო ქულის მქონე) 468 მოქალაქეს, თანხით 70 138 ლარი (ლიმიტი 150 ლარი).

დ) კორონა ვირუსით (COVID-19) დაინფიცირებულ პირთა დახმარება მედიკამენტების შესაძენად გაეწია 4 ბენეფიციარს, თანხით 400 ლარი.

2022 წელს დახმარება გაეწია 2 324 მოქალაქეს თანხით - 228 882 ლარი. მათ შორის ქალი-1643, კაცი-681.

3. „შეზღუდული შესაძლებლობების მქონე ბავშვთა რეაბილიტაციის დაფინანსების“ პროგრამა მოიცავს 18 წლამდე ასაკის შშმ პირთა, მათ შორის აუტიზმის, გონებრივი განვითარების შეფერხების ან დაყოვნების მქონე ბავშვთა ფსიქოსომატური რეაბილიტაციის დაფინანსებას, რაც 2022 წლის ადგილობრივი ბიუჯეტით განისაზღვრა 278 600 ლარით.

შშმ ბავშვების რეაბილიტაცია ფინანსდება არაუმეტეს 700 ლარით წელიწადში ერთხელ, ხოლო აუტიზმის მქონე ბავშვთა დაფინანსება 2022 წელს გაიზარდა 3600 ლარამდე წელიწადში.

სულ, პროგრამის ფარგლებში დახმარება გაეწია 132, მათ შორის აუტიზმის მქონე 88 და შშმ 94 მოზარდს საერთო თანხით 263 750 ლარი, (საკასო შესრულება 97 მოზარდი. თანხით 123 400 ლარი).

მათ შორის გოგონა-36, ვაჟი-158.

4. „ფენილკეტონურიით და ცელიაკიით დაავადებულთა (21 წლამდე ასაკის) კვებითი დანამატებით უზრუნველყოფის“ პროგრამა ითვალისწინებს ფენილკეტონურიით და ცელიაკიით დაავადებულ პირთა კვებითი დანამატებით უზრუნველყოფის მიზნით, ბენეფიციარების დახმარებას არაუმეტეს 1000 ლარით წელიწადში ერთხელ.

2022 წელს პროგრამის ბიუჯეტი განისაზღვრა 5000 ლარით. დახმარება გაეწია 4 არასრულწლოვან ბენეფიციარს საერთო თანხით 4000 ლარი.

მათ შორის გოგონა- 2, ვაჟი-2.

5. „კოხლეარული იმპლანტით მოსარგებლებენ ბენეფიციართა დახმარების“ პროგრამა 2022 წელს ბიუჯეტით განისაზღვრა 1400 ლარით. პროგრამა ითვალისწინებს კოხლეარული იმპლანტით მოსარგებლებ (0-21 წლამდე ასაკის) პირების დახმარებას აპარატის შეუფერხებელი ფუნქციონირების მიზნით. კერძოდ, კვების წყაროსთვის საჭირო ელემენტის შესაძენი თანხის წლიური ლიმიტი განისაზღვრა 700 (შვიდასი) ლარით, ხოლო პროცესორის და მიკროფონის შემაერთებელი სადენის შესაძენი თანხის წლიური ლიმიტი - 300 (სამასი) ლარით. 2022 წელს დახმარება გაეწია 1 არასრულწლოვან ბენეფიციარს თანხით 700 (შვიდასი) ლარი. მათ შორის გოგონა-1.

6. „სასმელი, სარეკრიაციო და ჩამდინარე წყლების სანიტარულ - ბაქტერიოლოგიური და სანიტარულ-ქიმიური გამოკვლევის“ პროგრამის მიზანია მოსახლეობის ჯანმრთელობისთვის უსაფრთხო გარემოს შექმნა. პროგრამის ფარგლებში ხორციელდება სასმელი, სარეკრიაციო და საბანაო წყლის ხარისხის სისტემატიური ლაბორატორიული კვლევა, ინფექციური დაავადებებისა და ეპიდაფეთქებების თავიდან აცილებლის მიზნით.

2022 წელს პროგრამის ბიუჯეტით გამოყოფილია 40.0 ათ ლარი, გახარჯულია 37 452 ლარი.

7. საქმიანობათა ცენტრი ფოთში უსაფრთხო გარემოსა და სიცოცხლის ხელშეწყობისათვის.

პროგრამის განმახორციელებელია ა(ა)იპ „საქართველოს წითელი ჯვრის საზოგადოება“. წლიური ბიუჯეტი განისაზღვრა 30 000 ლარით.

პროგრამის მიზანს წარმოადგენს ზრუნვა მოსახლეობის დაუცველი ფენის ჯანმრთელობაზე და სოციალურ კეთილდღეობაზე, ცხოვრების ჯანსაღი წესის პროპაგანდა; კატასტროფებისა და საგანგებო სიტუაციებისათვის მზადყოფნისა და რეაგირების ეფექტური მეთოდების შემუშავება. გახარჯულია 10 100 ლარი.

სოციალური დაცვისა და დევნილთა განყოფილება

მოგახსენებთ, რომ მოსახლეობის მხარდაჭერა ჯანმრთელობის დაცვისა და სოციალური მომსახურების სფეროში კვლავ რჩება ერთ-ერთ ძირითად პრიორიტეტულ მიმართულებად. ქალაქ ფოთის სოციალური დაცვისა და გენდერული თანასწორობის განყოფილება არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებითა და შეღავათებით უზრუნველყოფას. სოციალური დაცვის უმნიშვნელოვანესი კომპონენტია სოციალური დახმარება, როგორც ფულადი, ასევე სხვადასხვა სოციალური შეღავათების დაწესების გზით, რაც გააუმჯობესებს შეჭირვებული მოსახლეობის სოციალურ და მატერიალურ მდგომარეობას.

ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახური თავის საქმიანობას აწხორციელებს ქალაქ ფოთის მუნიციპალიტეტის საკრებულოს მიერ დამტკიცებული ჯანმრთელობისა და სოციალური დაცვის პროგრამების საფუძველზე.

2022 წელს სოციალური დაცვის პროგრამებისათვის დაზუსტებული გეგმაა - 874,8 ათ. ლარი. იანვრის თვიდან ნოემბრის ჩათვლით სოციალურ პროგრამებზე საკასო შესრულებაა - 722,6 ათ. ლარი.

რაც შეეხება სოციალური მომსახურების ცენტრის ხელშეწყობა - 1 208.0 ათ.ლარით (საკასო შესრულება-1 057,956 ათ.ლარი), ხოლო ფოთის სატრანსპორტო კომპანიის სუბსიდირება განისაზღვრა 1 130.0 ათ ლარით (საკასო შესრულება-1 091,0 ათ.ლარი)

კერძოდ:

1.მრავალშვილიანი ოჯახების ყოველთვიური დახმარებისათვის დაზუსტებული გეგმაა - 228.2 ათ. იანვრის თვიდან ნოემბრის ჩათვლით 303 ბენეფიციარზე საკასო შესრულებაა -208,3 ლარი. აღნიშნული თანხა გადანაწილებულია მრავალშვილიანთა ოჯახებზე შემდეგნაირად:

257 - 3 შვილიან ოჯახზე - ყოველთვიურად - 50 ლარი;

29 - 4 შვილიან ოჯახზე - ყოველთვიურად - 100 ლარი;

13 - 5 შვილიან ოჯახზე - ყოველთვიურად - 190 ლარი;

3 - 6 შვილიან ოჯახზე - ყოველთვიურად - 220 ლარი;

1 - 7 შვილიან ოჯახზე - ყოველთვიურად - 300 ლარი;

სულ რაოდენობა 303 ოჯახი ქალი -490, ვაჟი-519.

2. განსაკუთრებული საჭიროების მქონე პირთა მხარდაჭერის პროგრამის დაზუსტებული გეგმაა 41,4 ათ ლარი. იანვრის თვიდან ნოემბრის თვის ჩათვლით 24 ბენეფიციარზე საკასო შესრულებაა - 38,0 ათ.ლარი. სულ რაოდენობა 24 ოჯახი ქალი -5, ვაჟი-19.

3. მეორე მსოფლიო ომის მონაწილე, ამავე ომის შეზღუდული შესაძლებლობის მქონე პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარებისათვის დაზუსტებული გეგმაა - 6,3 ათ ლარი, იანვრის თვიდან ნოემბრის ჩათვლით 21 ომის მონაწილეზე საკასო შესრულებაა - 6,3 ათ. ლარი. სულ რაოდენობა 21 ვეტერანი, ქალი -2, კაცი-19.

4. სარიტუალო მომსახურებისათის დაზუსტებული გეგმაა - 51,0 ათ ლარი, 104 შემთხვევა იანვრის თვიდან ნოემბრის თვის ჩათვლით საკასო შესრულებაა - 36,2 ათ. ლარი. სულ რაოდენობა 104 ოჯახი ქალი -65, კაცი-39.

5. ახალშობილთა ოჯახების დახმარებისათვის დაზუსტებული გეგმაა - 15,0 ათ. ლარი. იანვრის თვიდან ნოემბრის თვის ჩათვლით 133 ბენეფიციარზე საკასო შესრულებაა - 13,3 ათ. ლარი. სულ რაოდენობა 133 ოჯახი ქალი -54, ვაჟი-79.

6. მარტოხელა მშობელთა დახმარებისათვის დაზუსტებული გეგმაა - 63,0 ათ ლარი. იანვრის თვიდან ნოემბრის თვის ჩათვლით 115 ბენეფიციარზე საკასო შესრულებაა - 56,1 ათ. ლარი. სულ რაოდენობა 115 ოჯახი ქალი -69, ვაჟი-62.

7. 2008 წლის აგვისტოს მოვლენების დროს რუსეთის აგრესის შედეგად დაღუპულთა ოჯახებისა და დაჭრილ მოქალაქეთა დახმარებისათვის დაზუსტებული გეგმაა -25,6 ათ.ლარი. იანვრის თვიდან ნოემბრის ჩათვლით 13 მოქალაქეზე საკასო შესრულებაა - 22,9 ათ. ლარი. სულ რაოდენობა 13 ოჯახი კაცი-519.

8. ხუთი და მეტშვილიანი ოჯახების დახმარებისათვის დაზუსტებული გეგმაა - 40,0 ათ ლარი. იანვრის თვიდან ნოემბრის თვის ჩათვლით 20 ბენეფიციარზე საკასო შესრულებაა -40,0 ათ. ლარი. სულ რაოდენობა 20 ოჯახი ქალი -52, ვაჟი-58.

9. უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად დაზუსტებული გეგმაა - 49,6 ათ. ლარი. იანვრის თვიდან ნოემბრის თვის ჩათვლით 75 ბენეფიციარზე საკასო შესრულებაა - 44,8 ათ. ლარი. სულ რაოდენობა 74 ოჯახი ქალი -33, კაცი-41.

10. სადღესასწაულო დღეებთან დაკავშირებული დახმარებებისათვის დაზუსტებული გეგმაა - 140,4 ათ. ლარი. იანვრის თვიდან ნოემბრის თვის ჩათვლით 274 ბენეფიციარზე საკასო შესრულებაა - 72,9 ათ. ლარი. სულ რაოდენობა 298 ოჯახი ქალი -153, კაცი-145.

11. უსინათლოების მატერიალური დახმარება წნევის გამზომი აპარატის შესაძენად დაზუსტებული გეგმაა თანხით - 1.5 ათ.ლარით. იანვრის თვიდან ნოემბრის თვის ჩათვლით 6 ბენეფიციარზე საკასო შესრულებაა - 1.5. ათ. ლარი. სულ რაოდენობა 6 ოჯახი ქალი -3, კაცი-3.

12. შშმ ბავშვთა დღის ცენტრის დახმარება კომუნალური გადასახადების დასაფინანსებლად დაზუსტებული გეგმაა - 13,0 ათ. ლარი იანვრის თვიდან ნოემბრის თვის ჩათვლით საკასო შესრულებაა - 4,7 ათ. ლარი.

13. ოჯახური ძალადობის მსხვერპლთა დაცვის ღონისძიებებისათვის დაზუსტებული გეგმაა - 0,3 ათ ლარი. იანვრის თვიდან ნოემბრის თვის ჩათვლით საკასო შესრულებაა - 0,3 ათ. ლარი. სულ რაოდენობა 1 ქალი.

14. სოციალურად დაუცველი სტუდენტების მხარდაჭერისათვის დაზუსტებული გეგმაა - 10.1 ათ. ლარი. იანვრის თვიდან ნოემბრის თვის ჩათვლით 10 სტუდენტზე საკასო შესრულებაა 8.1 ათ. ლარი. სულ რაოდენობა 10 სტუდენტი ქალი -3, კაცი -7.
15. ახალი კორონა ვირუსით (covid-19) ინფიცირებულ, უანგბადდამოკიდებული ბენეფიციარების ერთჯერადი მატერიალური დახმარება, უანგბადის უზრუნველყოფის მიზნით დაზუსტებული გეგმაა - 0,6 ათ. ლარი. 2- ბენეფიციარის დასახმარებლად საკასო შესრულებაა - 0.3 ათ. ლარი. სულ რაოდენობა 2 ბენეფიციარი, ქალი -1, ვაჟი -1.
16. განსაკუთრებით მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება. დასაფინანსებლად დაზუსტებული გეგმაა 74.7 ათ. ლარი. იანვრის თვიდან ნოემბრის თვის ჩათვლით 30 ოჯახზე დაზუსტებული გეგმაა - 67.8 ათ. ლარი. სულ რაოდენობა 84 ოჯახი ქალი - 34, კაცი -50.
17. თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა. დასაფინანსებლად დაზუსტებული გეგმაა - 61.5 ათ. ლარი. იანვრის თვიდან ნოემბრის თვის ჩათვლით 22 ბენეფიციარზე საკასო შესრულებაა - 52.9 ათ. ლარი. სულ რაოდენობა 24 ოჯახი ქალი -17, კაცი -7.
18. გენდერული თანასწორობის ხელშეწყობის პროგრამა, დასაფინანსებლად დაზუსტებული გეგმაა - 7.0 ათ. ლარი. მათ შორის ქალი -3.
19. მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამა. დასაფინანსებლად დაზუსტებული გეგმაა - 4,0 ათ. ლარი, იანვრის თვიდან ნოემბრის თვის ჩათვლით 2 ბენეფიციარზე საკასო შესრულებაა - 1.6 ათ. ლარი. სულ რაოდენობა 2 ბენეფიციარი ქალი -2.
20. შეჭირვებული ოჯახების შეშით უზრუნველყოფის პროგრამა. დასაფინანსებლად დაზუსტებული გეგმაა - 23.2 ათ. ლარი. იანვრის თვიდან ნოემბრის თვის ჩათვლით 116 ბენეფიციარზე საკასო შესრულებაა - 23,2 ათ ლარი. სულ რაოდენობა 116 ოჯახი ქალი -38, კაცი -78.

21. საჭიროების მქონე ბავშვიანი ოჯახების ფინანსური დახმარებისათვის დაზუსტებული გეგმა 7.0 ათ, ლარი იანვრის თვიდან ნოემბრის თვის ჩათვლით 29 ბენეფიციარზე საკასო შესრულება - 5,8 ათ ლარი. სულ რაოდენობა 29 ბენეფიციარი, ქალი -40, ვაჟი -25.

22. დიაბეტით დაავადებულ (18 წლამდე) ბავშვთა მატერიალური დახმარებისათვის დაზუსტებული გეგმა 11.4 ათ, ლარი იანვრის თვიდან ნოემბრის თვის ჩათვლით 14 ბენეფიციარზე გახარჯულია 9.8 ათ ლარი. სულ რაოდენობა 16 ბენეფიციარი, ქალი -12, ვაჟი -4.

23. ფოთის სატრანსპორტო კომპანიის სუბსიდირების ხარჯებისათვის დაზუსტებული გეგმა - 1 130, 0 ათ ლარი, იანვრის თვიდან ნოემბრის თვის ჩათვლით საკასო შესრულება - 1 091, 0 ათ. ლარი. საქმიანობას ანხორციელებს შპს „ფოთის სატრანსპორტო კომპანია“.


1. ა(ა)იპ „ქალაქ ფოთის მუნიციპალიტეტის სოციალური მომსახურების ცენტრი“-ს ხელშეწყობა. ბიუჯეტიდან გამოიყო 1 208,0 ათ. ლარი. პროგრამის მიზანია მოქალაქეთა მომსახურების სერვისის გაუმჯობესება, აქტიური სოციალური პოლიტიკის გატარება, სოციალური დახმარების მწყობრი სისტემის ჩამოყალიბების, მოსახლეობის სამართლიანი და ეფექტური დახმარების უზრუნველყოფასთან დაკავშირებით წინადადებისა და ინფორმაციის მომზადება. უფასო კვების სასადილოს 360-ბენეფიციარზე და შინმოვლის 28 ბენეფიციარზე გახარჯულია - იანვრის თვიდან ნოემბრის თვის ჩათვლით 1 057,956 ათ. ლარი.

2. ბავშვთა ცენტრის ხელშეწყობა დასაფინანსებლად ბიუჯეტიდან გამოიყო 133.9 ათ, ლარი იანვრის თვიდან ნოემბრის თვის ჩათვლით 8 ბენეფიციარზე გახარჯულია 122,9 ათ ლარი.

პატივისცემით,

ქალაქ ფოთის მუნიციპალიტეტის მერიის
ჯანმრთელობისა და სოციალური დაცვის
სამსახურის უფროსი





დისკრიმინაციის არსი, აკრძალვის მნიშვნელობა, არსებული
გამოწვევები შრომით ურთიერთობებში

ინგა გვასალია
2.12.2022.

დისკრიმინაციის არსი

დისკრიმინაციის ცნება

დისკრიმინაცია არის როგორც მნიშვნელოვნად
თანასწორის თვითნებურად უთანასწოროდ მოპყრობა,
ისე მნიშვნელოვნად უთანასწოროს თვითნებურად
თანასწორად მოპყრობა.

დისკრიმინაციის სახეები

- ✓ პირდაპირი დისკრიმინაცია
- ✓ არაპირდაპირი დისკრიმინაცია

დისკრიმინაციის სახეები

პირდაპირია დისკრიმინაცია

- პირს ეპყრობიან არასახარბიელოდ სხვა იმ პირებთან შედარებით, რომლებიც ანალოგიურ სიტუაციაში იმყოფებიან
- განსხვავებული მოპყრობა განპირობებულია კონკრეტული საფუძვლით, რომელიც ხვდება „დაცულ საფუძვლებს/ნიშნებს“ შორის.

არაპირდაპირია დისკრიმინაცია

- ფორმით ნეიტრალური და არსით დისკრიმინაციული დებულება, კრიტიკიუმი ან პრაქტიკა, რომელიც:
- ზემოქმედებს კონკრეტული „დაცული საფუძვლის/ნიშნის“ მქონე პირზე
- და არის განსხვავებული ანალოგიურ მდგომარეობაში მყოფ სხვა პირებთან შედარებით.

დისკრიმინაციის შემთხვევები

პირდაპირი
დისკრიმინაცია

ადვოკატი უარს აცხადებს კლიენტის
დაცვაზე, მისი სექსუალური ორიენტაციის
გამო

არაპირდაპირი
დისკრიმინაცია

დადგენილია ერთი და იგივე ნორმატივები
ქალებისა და კაცებისთვის, რასაც რიგ
შემთხვევაში შეუძლია ქალები
არახელსაყრელ მდგომარეობაში ჩააყენოს,
მათი ფიზიკური და ბიოლოგიური
მახასიათებლების გამო

საერთაშორისო კანონმდებლობა

ადამიანის უფლებათა საყოველთაო დეკლარაცია, 1948

ამ დეკლარაციით გამოცხადებული ყველა უფლება და თავისუფლება მინიჭებული უნდა ჰქონდეს ყოველ ადამიანს განურჩევლად რაიმე განსხვავებისა, სახელდობრ, რასის, კანის ფერის, სქესის, ენის, რელიგიის, პოლიტიკური თუ სხვა რწმენის, ეროვნული თუ სოციალური წარმომავლობის, ქონებრივი თუ სხვა მდგომარეობისა

ადამიანის უფლებათა ევროპული კონვენცია, 1950

მე-14 მუხლი

ამ კონვენციით გათვალისწინებული უფლებებითა და თავისუფლებებით სარგებლობა უზრუნველყოფილია ყოველგვარი დისკრიმინაციის გარეშე, განურჩევლად სქესის, რასის, კანის ფერის, ენის, რელიგიის, პოლიტიკური თუ სხვა შეხედულებების, ეროვნული თუ სოციალური წარმომავლობის, ეროვნული უმცირესობისადმი კუთვნილების, ქონებრივი მდგომარეობის, დაბადებისა თუ სხვა ნიშნისა

საერთაშორისო კანონმდებლობა

კუთხით მართვის უფლებების განვითარების შესახებ, 1966

ისეთი იდეების გავრცელება, რომლებიც ემყარება რასობრივ უპირატესობასა და ზიზღს, რასობრივი დისკრიმინაციის ყოველგვარ წაქეზება და ასევე ძალადობის აქტები ან წაქეზება ისეთი აქტებისაკენ, რომლებიც მიმართულია ნებისმიერი რასისა და კანის ფერის ან ეთნიკური წარმოშობის მქონე ჯგუფის წინააღმდეგ, და ასევე ყოველგვარი დახმარება, მათ შორის ფინანსური დახმარების აღმოჩენა, რასისტული ქმედებების მიზნით

აქტი სამოქალაქო და პოლიტიკური უფლებების შესახებ, 1966

მუხლი 26

თითოეული ადამიანი თანასწორია კანონის წინაშე და ყოველგვარი დისკრიმინაციის გარეშე კანონით თანაბარი დაცვის უფლება აქვს. ამ მხრივ უნდა აიკრძალოს ყოველგვარი დისკრიმინაცია და კანონი უნდა უზრუნველყოფდეს ყველა პირის თანასწორ და ეფექტურ დაცვას რასის, კანის ფერის, ენის, რელიგიის, პოლიტიკური თუ სხვა მრწამსის, ეროვნული და სოციალური წარმოშობის, ქონებრივი მდგომარეობის, დაბადების თუ სხვა გარემოებების გამო დისკრიმინაციისაგან.

საქართველოს კონსტიტუცია მუხლი 11



ყველა ადამიანი სამართლის წინაშე თანასწორია. აკრძალულია დისკრიმინაცია რასის, კანის ფერის, სქესის, წარმოშობის, ეთნიკური კუთვნილების, ენის, რელიგიის, პოლიტიკური ან სხვა შეხედულებების, სოციალური კუთვნილების, ქონებრივი ან წოდებრივი მდგომარეობის, საცხოვრებელი ადგილის ან სხვა ნიშნის მიხედვით.



თანასწორობის უფლება

თანასწორობის უფლება კონსტიტუციით აღიარებული უფლებაა, რომელიც არ არის აბსოლუტური უფლება. თუმცა ეს არ ნიშნავს იმას, რომ მისი შეზღუდვა ყოველგვარი თანაზომიერების გარეშე დასაშვებია



საქართველოს კანონი
„დისკრიმინაციის ყველა ფორმის აღმოფხვრის შესახებ“

საქართველოში აკრძალულია ნებისმიერი სახის დისკრიმინაცია
დისკრიმინაციის აღმოფხვრისა და თანასწორობის უზრუნველყოფაზე ზედამხედველობას
ახორციელებს საქართველოს სახალხო დამცველი
2014 წლიდან

ანგარიშები

რეკომენდაციები


ზოგადი წინადადებები

ქალთა მიმართ ძალადობისა და ოჯახში ძალადობის წინააღმდეგ ბრძოლის საერთაშორისო საკანონმდებლო მექანიზმები

გაეროს კონვენციას ქალთა
მიმართ დისკრიმინაციის
ყველანაირი ფორმის
აღმოფხვრის შესახებ (CEDAW,
1979) და მის ფაკულტატიური
ოქმი (1999)

ქალთა მიმართ ძალადობისა და
ოჯახში ძალადობის პრევენციისა
და აღკვეთის შესახებ ევროპის
საბჭოს კონვენცია (ე.წ.
„სტამბოლის კონვენცია“), 2017

საქართველოს კანონი ქალთა მიმართ ძალადობის ან/და
ოჯახში ძალადობის აღვეთის, ძალადობის მსხვერპლის
დაცვისა და დახმარების შესახებ



შრომის კოდექსის მიხედვით დისკრიმინაციად ითვლება

„პირის პირდაპირ ან არაპირდაპირ შევიწროება, რომელიც მიზნად
ისახავს ან იწვევს პირის ღირსების შელახვას და მისთვის
დამაშინებელი, მტრული, დამამცირებელი, ღირსების შემლახველი
ან შეურაცხმყოფელი გარემოს შექმნას, ანდა პირისთვის ისეთი
პირობების შექმნა, რომლებიც პირდაპირ ან არაპირდაპირ
აუარესებს მის მდგომარეობას ანალოგიურ პირობებში მყოფ სხვა
პირთან შედარებით.“


ქალთა მიმართ ძალადობის საგანგაშო მაჩვენებელი

- 7-დან ერთ ქალს ოჯახში ძალადობა გამოუცდია,
- ქალების 9% სექსუალური ძალადობის მსხვერპლი ბავშვობაში გამხდარა,
- 5_ დან ერთი ქალი ამბობს, რომ სექსუალური შევიწროება განუცდია.
- ქალების 22% მიაჩნია ქალზე ძალადობას აქვს გასამართლებელი გარემოებები,
- მამაკაცების 31 % -ც მიიჩნევს რომ თუ საქმე და გარემოება მოითხოვს ქალი/ცოლი უნდა იცემოს.

რა არის ფემიციდი?

- ✓ ფემიციდი არის გენდერის ნიშნით ქალის მკვლელობა, რომლის ჩადენის მოტივი ან კონტექსტი დაკავშირებულია ქალის მიმართ გენდერულ ძალადობასთან, დისკრიმინაციასთან, ან ქალის დაქვემდებარებულ როლთან.
- ✓ ფემიციდი ქალთა მიმართ ძალადობის უმძიმესი ფორმაა. მას საზოგადოებაში დამკვიდრებული გენდერული როლები და დისკრიმინაციული გარემო განაპირობებს.

ფემიციდის სტატისტიკა




სქესი და გენდერი

სქესი

- ბიოლოგიური
- უნივერსალური
- რთულად ცვალებადი

გენდერი

- სოციალური
- შეძენილი
- ცვალებადი




საჯარო სამსახურის ბიუროს კვლევა - „მენეჯერი ქალები საქართველოს საჯარო სამსახურში“


15 442 საჯარო მოხელე

3633 მენეჯერიდან


საჯარო დაწესებულებების
ხელმძღვანელებიდან:



■ ქალები
■ კაცები



■ ქალები
■ კაცები



■ ქალები
■ კაცები

საქართველოს სტატისტიკის ეროვნული სამსახურის 2021 წლის მონაცემები

პოზიცია	ქალი	კაცი
მინისტრი	33%	67%
პარლამენტის წევრი	21%	79%
ადგილობრივი თვითმართველობა	11%	89%
მოსამართლე	54%	46%



გენდერი

საქსტატის თანახმად: „ქალები იღებენ მამაკაცთა საშუალო თვიური ხელფასის ორ მესამედზე ნაკლებს. 2020 წელს ქალების ხელფასის თანაფარდობა მამაკაცების ხელფასთან 67.6 პროცენტს შეადგენდა, რაც 3.8 პროცენტული პუნქტით აღემატება 2019 წლის მაჩვენებელს.“


ხელმძღვანელ პოზიციებზე
დასაქმებულთა რაოდენობა გენდერულ
ჭრილში

(ძალოვანი სტრუქტურების გარდა)

www.idfi.ge



გამოწვევები



საზოგადოების
ინფორმირებულობასთან

ცნობიერებასა

და

დაკავშირებული გამოწვევები

მედიასთან დაკავშირებული გამოწვევები

მართლმსაჯულების ორგანოების გამართულ და
ეფექტურ მუშაობასთან დაკავშირებული გამოწვევები

ერთიანი ხედვის, სტრატეგიის არარსებობასთან
დაკავშირებული გამოწვევები



გმადლობთ ყურადღებისთვის!